



## Universitätsbibliothek Paderborn

### **Domus Æternitatis**

Reserata, Et Ad Ingrediendum Quotidie Memorïæ cogitationibus,  
Intellectûs considerationibus, ac voluntatis affectibus Aperta ; Serviet  
quoque pro Concionibus; uti & pro Exhortationibus, in Agoniae Domini  
Sodalitatibus

Domus Æternitatis Damnatae

**Dirckinck, Johann**

**Coloniae Agrippinae, 1713**

16. Horror damnatae æternitatis.

[urn:nbn:de:hbz:466:1-50700](https://nbn-resolving.org/urn:nbn:de:hbz:466:1-50700)



Augusti 16.

165

runtamen ad infernum detraheris, in profundum lacu. Isaia c. 14. 15.

## CONSIDERATIO XVI.

Horror damnatae aeternitatis.

*Ubi.... horror sempiternus inhabitat.*

Job, c. 10. 22.

16. Augusti.

I. **P**erpende horrorem Damnatorum  
incipere in extremo iudicii die: dum enim electi cum gaudio resurgunt, respiciunt mercedem capita levant, & redemptionem appropinquantem praestolantur: reprobis terrore summo complectentur: quantus enim horror erit, cum videbunt terribilia illa signa in sole, luna, stellis & terra? *Et ecce terra motus magnus factus est, & sol factus est niger, tanquam saccus cilicinus: & luna tora facta est sicut sanguis & stelle ceciderunt de caelo super terram. Et caelum recessit sicut liber involutus, & omnis mons & insula de locis suis mota sunt.* Apoc. c. 6. Similia horrenda refert Propheta Joel, c. 2. *Venit dies Domini, dies tenebra-*

*tuno*



166 *Domus aternitatis. Consideratio*  
*rum & caliginis, a facie ejus contremis-*  
*terra, sol & luna obtenebrati sunt, & stel-*  
*la retraxerunt splendorem suum, & Do-*  
*minus dedit vocem suam, ante faciem ex-*  
*ercitûs sui. Dabo prodigia in calo &*  
*terra, sanguinem & ignem, & vaporem*  
*fumi, sol convertetur in tenebras, & luna*  
*in sanguinem, antequam veniat dies Dom-*  
*ni magnus & horribilis. O quis peccato-*  
*rum non horreat?*

II. Considera ulterius, non minus  
horrenda, quæ minatur Isaias Prophe-  
ta c. 13. 9. *Ecce, ait, dies Domini veniet, cr-*  
*delis, & indignationis plenus & ira fut-*  
*risque ad ponendam terram in solitudinem*  
*& peccatores ejus conterendos de ea.*  
*visitabo super orbis mala. Nec ablu-*  
Propheta Amos c. 8. 9. *Erit in die illa*  
*occidet sol in meridie, & tenebrescere*  
*ciam terram in die luminis; & conv-*  
*tam festivitates vestras in luctum, & om-*  
*nia cantica vestra in planctum, & in-*  
*cam super omne dorsum vestrum sacc-*  
*& super omne caput calvitium, & pon-*  
*eam, quasi luctum unigeniti, & noviss-*  
*eius, quasi diem amarum. O quis scelerat-*  
*non tremat?*



III. Ubi verò reprobis tum scelera sua  
 pudenda, tum signa hæc tremenda con-  
 spexerint; quis tunc illis sensus, quis ani-  
 mus erit? Omnes Reges & Principes,  
 Pusilli & Magni, Mares & Fæminæ ter-  
 rore pleni, præ timore & confusione la-  
 tebras quærent, sed frustra. A montibus  
 & collibus obrui cupient, ne vultum ju-  
 dicis irati aspicere, sententiamque terri-  
 bilem auscultare cogantur, sed frustra.  
 Et Reges terræ & Principes & tribuni, &  
 divites, & fortes, & omnis servus & liber,  
 absconderunt se in speluncis & in petris  
 montium. Et dicunt montibus & petris  
 cadite super nos & abscondite nos, à facie  
 sedentis super thronum, & ab ira Agni.  
 Quoniam venit dies magnus ira ipsorum  
 & quis poterit stare? Apoc. c. 6. O quis  
 poterit stare? Quis præ timore & horro-  
 re non corruet?

*Affectus timoris.*

O Peccatores! cogitate, quis tunc  
 angor, pavor, terror animos vestros  
 occupabit, & membra concutiet, cum  
 hæc omnia evenire videritis? Cùm tanta



168 *Domus æternitatis. Consideratio*  
in sole, luna, stellis & terris prodigia  
spectabitis: *Arescentibus hominibus pra-*  
*timore? Hinc erunt accusantia peccata,*  
*inde terrens justitia: subtus patens horri-*  
*dum chaos inferni: desuper iratus Juxta*  
*intus urens conscientia: foris ardens mun-*  
*dus: justus vix salvabitur; Peccator*  
*deprehensus, in quam partem se premet*  
S. Anselmus. L. de miseria hominis. Ve  
rùm hæc tantùm initia sunt dolorum  
hæc sunt præludia terribilium omnium  
terribilissimorum, quæ vos exspectant  
in gehenna. Cogitate imminentem vo  
bis terrorem & confusionem, quando  
Sol obscurabitur: & luna tota erit *sicut*  
*sanguis* l. c. quasi rubore suffusa ob  
lera vestra turpissima, noctu præsertim  
in lectis, ac tenebris perpetrata. Omnia  
enim signa hæc eò tendunt, ut de impi  
vindicta sumatur, utque ipsi timore  
percellantur, gravioraque supplicia  
præstolentur.

17. Augusti.

I. SI tantus terror est in limine, qu  
erit in ipsa Domo æternitatis? con  
fide



sidera primò Domum hanc, deinde ejus terribiles incolas, ac denique tormenta horrenda; & videbis. Horror primò oritur ex loco terribili, omni carcere subterraneo & conclavi spectris infesto, magis tremendo. Scribit S. Augustinus L. 22. de Civit. Dei c. 8. Virum quendam Tribunitium nomine in fuffalensi territorio Africæ fundum habuisse, à malignis spiritibus infestatum, qui & animalia & servos graviter afflixerint: sed fuffis in loco precibus ferventibus, & oblato sacrosancto missæ sacrificio protinus Cacodæmonum vexationē cessasse. Sed quid hic fundus ad fundum inferni terroris habet; ubi Cacodæmones, longè atrocius damnatos affligunt, terrent, vexant, torquent, nec ullis precibus, aut oblationibus liberatio unquam est impetranda?

II. Cogita, si quis inter sceleta, ossa & crania mortuorum noctu excubans, timore concutitur, aut si cryptæ sepulchrali solus noctu inclusus, aut in arce nobili, ad cubiculum à lemuribus tumultuantibus infestatum, ad dormiendum



170 *Domus aternitatis. Consideratio*  
dum destinatus, ingenti horrore percel-  
litur, præsertim si vel minimum videat,  
audiatve in tenebris. Quid, quæso erit  
in carcere stygio spectris, monstrisque  
damnatis referto habitare? Est enim re-  
gio horrida, regio extimescenda, terra  
oblivionis, terra afflictionis, in qua te-  
nebræ palpabiles, umbræ feræ, hor-  
rendi damnatorum manes, tristes mortu-  
imagines & larvæ lethales assiduè ante  
oculos versantur. Quælibet autem lar-  
va damnata, omni megærâ, furiâ ac mon-  
stro, est centies formidabilior. Et tu ip-  
se, qui hæc legis, si his annumeratus fue-  
ris, tantæ eris turpitudinis, ac monstrosa  
deformitatis; ut te ipsum absque horro-  
re summo intueri nequeas & tamen ad  
id cogaris, nec intermittere poteris, tota  
æternitate.

III. Terrorem præ reliquis majorem  
incutiunt, aspectus & consortium for-  
midabile Diabolorum, omni leone, dra-  
cone, scorpione & colubro sæviorum.  
Perpende, quàm sit terribile in loco hoc  
horroris & vastæ solitudinis, nihil asp-  
cere nisi hujusmodi monstra abomi-  
nanda.



manda. Cogita, quàm dirum, horrendumque sit perpetuò habitare & commorari in loco, ubi scorpiones stygii venenum infigant; colubri infernales caudas serpentinas agitent, Dracones tartarei horrendum sibilent, & supra omnes pardorum rictus, urforum murmura, luporum ululatus, mugitus tauro- rum, leonumque rugitus, territent. O quis hæc capiat? Quis verbis debite explicet?

*Admonitio.*

O Peccator! qui vel umbras times, descende crebrò in hunc locum horroris: descende vivens, ne descendas moriens, ut replearis horrore peccati, & spiritu timoris Domini. *Horrendum enim est incidere in manus Dei viventis, & ad Diabolicum hoc consortium amandantis.* O anima! ingredi hanc speluncam horridam, & lustra singula: abde te sub terra, & omnia tibi displicebunt, quæ sunt super terram. O Domine; *Confige timore tuo carnes meas, à judiciis enim tuis timui.* Psal. 118. 120. Et cum



172 *Domus aternitatis. Consideratio*  
veneris iudicare, noli me cōdemnare.  
*Utinam sic te timeret peccatrix anima mea,*  
*quomodo ille vir sanctus, qui dixit: semper*  
*enim quasi tumentes super me fluctus, ti-*  
*mui Deum. S. Aug. med. c. 34.*

18. Augusti.

I. **I**ngentem profectò horrorem incu-  
riunt Dæmones, si eos considere-  
mus, prout viri sancti eos nobis ob ocu-  
los statuunt: nimirum oculis scintillan-  
tibus, naribus fumum & ignem, fornacis  
instar, exhalantibus, ac dentibus terri-  
bilibus. Job c. 16. 10. Strygii hujus la-  
vernionis speciem & furorem ita de-  
pingit: *Collegit furorem suum in me, &*  
*comminans mihi, infremuit contra me,*  
*dentibus suis hostis meus; terribilibus ocu-*  
*lis me intruitus est. Etc. 41. l. c.* Idem gra-  
phicè eundem describit *De ore ejus lam-*  
*pades procedunt, sicut tada ignis accensa;*  
*de naribus ejus procedit fumus, sicut olla*  
*succensa & ferventis; halitus ejus pro-*  
*nas ardere facit; & flamma de ore ejus e-*  
*greditur. O quale monstrum!*

II. S. Antoninus in summa Theol. p.

4. cit.



tit. 14. c. 5. Monstra hæc tartarea sic delineat: *Quorum brachia, capita Draconum sunt, quorum dentes, sicut dentes elephantis promicant, & stimulant ad tormenta, ut cauda scorpionum: quorum voces, ut fremitus leonis, sonant: quorum affectus, timorem, dolorem & mortem incutiunt.* Quidam Patrum dixit, quod si quis videret Demones in ea deformitate, quæ vident damnati, vivere non posset. Ita ille. Certè si S. Catharinam Senensem, vel unicus Diaboli intuitus ita terruit, ut in terram corruerit exanimis; quid Diabolorum innumerabilium aspectus faciet?

III. Postremò sciendum; horrorem in damnatis, non oriri solùm ex aspectu Cacodæmonum, verùm vel maximè, ex tormentorum, quæ infligunt acerbitate; non enim tantùm visum terrent, sed etiam velut hostes implacabiles, velut carnifices, & tortores, omni tigride ac tyranno truculentiores, in damnatos horrendum desæviunt, nullamque occasionem cruciandi & torquendi intermittunt. Quidquid in Orco tormen-



174 *Domus aternitatis, Consideratio*  
torum est, velut torturæ instrumentum  
adhibent; ut ignes ardentés, vermes mor-  
dentes, malleos percutientes, catenas ig-  
nitas stringentes, clamores, diras minas,  
vindictas, maledictiones, idque in om-  
nem æternitatem. Unde horror ori-  
tur sempiternus qui damnatos sine fine  
cruciat.

*Admonitio.*

**H**Uc ad sis, juvenis vanè & lascive; &  
vide, quo horrore luere te oportet,  
complacentiam & voluptatem illam,  
quâ facies formosas aspiciendo, luxuriosè  
delectatus es: quando & diabolica illa &  
humana monstra aspiceris, eorumque  
flagella subire cogeris. Abi-  
time peccatum, expavesce ad Numinis  
offensam, & nullum Dæmonem time-  
bis. Time & horre infernum & securus  
eris, nec detruderis in specum, ubi sempiternus  
horror inhabitat. Et ubi, ut ait  
S. Bonaventura, *Turbabuntur timore hor-  
ribili, propter iudicis irrevocabilem sen-  
tentiam, propter presentiam horribilium  
tortorum, & propter suppliciorum visam  
crudelitatem.*

CON